

明鑑紀事本末

第十二冊

解事本末卷之六十二

提督浙江學政僉事豈潤谷應泰編著

男際第
男際辰

援朝鮮

平秀吉

萬曆二十年五月倭酋平秀吉寇朝鮮平秀吉

即秀吉

者薩摩州人僕也始以魚販臥樹下有山城州倭渠

秀吉又

稱秀吉

名信長居關白職位出獵遇吉欲殺之吉善辨信長

收令養馬名曰木下人信長賜與田地於是爲信長

畫策遂奪二十餘州。會信長爲其叅謀阿奇支刺殺。吉乃統信長兵誅阿奇支。遂居關白之位。因號關白。以誘劫降六十六州。朝鮮釜山與日本馬對島相望。時有倭戶往來互市。通婚姻。時朝鮮王李昖酒於酒。弛備。吉乃分遣其渠行長清正等率舟師數百艘逼釜山鎮。五月潛渡臨津。分陷豐德諸郡。時朝鮮承平久。怯不諳戰。皆望風潰。朝鮮王倉卒棄王京。令次子軍攝國事。奔平壤。已復走義州。應內屬。倭遂渡大同江。繞出平壤界。是時倭已入王京。毀墳墓。劫王子陪。

臣剽府庫蕩然一空。八道幾盡沒。且暮且渡鴨綠。請
援之使絡繹於路。廷議以朝鮮屬國爲我藩籬。必爭
之地。遣行人薛藩諭其王以匡復大義。揚言大兵十
萬已擐甲至。我抵平壤。朝鮮君臣勢益急。出避愛州。
七月遊擊史儒等師至平壤。不諳地利。且霖雨。馬
奔逸不止。儒戰死。副總兵祖承訓統兵二千餘渡鴨
綠江援之。僅以身免。報至。朝議震動。以宋應昌爲經
畧員外。劉黃裳主事。袁黃贊畫軍前。八月倭入豐
德等郡。我兵稍集。而行長等頗習兵。詐謂不敢與中

國抗以緩我師。兵部尚書石星亦謂諸將未得利計，無所出。議遣人探之。嘉興人沈惟敬應募。惟敬者，市中無賴也。是時平秀吉次對馬島。據王京，分其將行長等，各發兵守要害爲聲援。惟敬至平壤，行長令牙將以肩輿迎之。時平秀吉廢山城，君自號大閣王。惟敬至，執禮甚卑。行長詭曰：「天朝幸按兵不動，我亦不久當還。當以大同江爲界，平壤以西盡歸朝鮮耳。」惟敬既還，奏廷議以倭多變詐，未可信。我師利速戰，乃趨應昌等統兵進擊。而石星頗惑之，以惟敬緩急可

任題假遊擊赴軍前且請金行間

八月布衣程鵬

舉請發暹羅兵自海道擣其巢穴時以爲奇策又朝

議調播州楊應龍援朝鮮

十二月以李如松爲東

征提督上憫東征將士寒苦特發內金十萬犒慰且

重懸賞格先是宋應昌抵山海關士馬劬糧徵調未

集而大將軍李如松甫平西夏亦未至軍因謬借惟

敬縻倭西向前所羽檄徵兵七萬餘至者半乃置三

軍以副將李如栢將左張世爵將右楊元將中軍趨

遼陽至是如松始至軍而惟敬歸自倭稱行長願退

平壤迤西以大同江爲界如松大會將吏叱惟敬愴
邪當斬叅軍李應試請間曰籍惟敬給倭封而陰襲
之奇計也應冒如松以爲然乃置惟敬標營二十五
日誓師東渡如松將諸鎮士馬四萬餘東由石門度
馬鳳山馬皆汙血臨鴨綠江天水一色望朝鮮萬峯
出沒雲海監軍劉黃裳慷慨誓曰此汝曹封侯地也
二十一年正月平壤大捷初沈惟敬三人平壤約以
正月七日李提督齎封典過聖德館至是初四日我
師抵肅寧行長遣牙將二十人來迎如松檄遊擊李

寧生縛之。倭猝起格鬪。僅獲三人。餘走還。告行長。行長問惟敬曰：「此必通事兩誤耳。」行長令親信小西飛禪守篠。隨惟敬謁如松。如松加撫遣歸。六日抵平壤。行長岸風月樓候。瞻龍節。倭俱花衣夾道迎候。如松分布將士。整營入城。諸將逡巡未入。形已露。倭悉登陣拒守。如松度地形。東南並臨江。西枕山陡。止惟迤北。牡丹臺高聳。最要。三倭列拒馬地。砲以待。遣南兵試其鋒。佯退。是夜倭襲李如栢營。擊却之。如松因部勒諸將。諭無割級攻圍。止缺東面。屬游擊吳惟忠攻。

牡丹峯陰取西南以倭易麗兵令祖承訓等詭麗裝
潛伏八日黎明鼓行抵城下攻其東南倭砲矢如雨
軍稍却如松手斬先退者以徇募死士援梯鉤而上
殺數人不退倭悉力拒守倭方輕南而爲麗兵承訓
等乃卸裝露明甲倭急分兵拒堵如松已督楊元等
從小西門先登李如栢等亦從大西門入火藥並發
毒烟蔽空方戰時吳惟忠中鉛洞胸猶奮呼督戰而
如松坐騎斃於砲易馬馳墮塹鼻出火麾兵愈進我
師無不一當百前隊貿首後勁已踵突舞於塹倭退

保風月樓夜半行長提兵渡大同江遁還龍山是役
凡得級千二百八十五餘死於火又從城東跳溺無
筭裨將李寧查大受等率精兵三千潛伏江東僻路
獲級三百六十二生擒三倭乘勝追襲十九日李如
栢進復開城得倭級百六十五朝鮮郡縣如黃海平
安京畿江源四道並復平歸平壤惟咸鏡道爲清正
拒守聞開城破亦奔王京王京爲朝鮮都會咸鏡忠
清爲之犄角頗據天險而援師旣連勝有輕敵心二
十七日去王京七十里朝鮮人以倭棄王京遁告如

松信之。將輕騎趨碧蹄館。去王京三十里。馳至大石橋。馬蹶傷額。幾斃。倭猝至。圍之數重。將士殊死戰。自巳至午。奔中矢且盡。金甲酋前搏李將軍。甚急。裨將李有昇以身蔽如松。刃數倭。竟中鉤墮。爲倭支解。李如栢。李寧乃益遽夾擊。李如栢箭中金甲。倭墜馬。會楊元援兵至。砍重圍入。遂潰。而我精銳亦多喪失。過橋者盡死。天且雨。近王京平地俱陷。畦水解。泥深。騎不得騁。倭背山面水。連珠布管。城中廣樹飛樓。烏銃自穴中出。應時發。我師乃退。駐開城。三。月。經。畧。宋。

應昌檄劉綎陳璘水陸濟師上益發帑金二十萬佐
軍興時諜者言王京倭二十萬且聲言關白揚帆入
犯李如松分留李寧等駐開城楊元等軍平壤拒大
同江接餉道李如栢等軍寶山諸處爲聲援查大受
等軍臨津而將銳卒東西策應聞倭將平秀嘉據龍
山倉粟數十萬從間道縱火盡焚之倭乏食東師
議歟初我師捷平壤鋒甚銳轉戰開城勢如破竹及
碧蹄之敗久頓師絕域氣益索經畧宋應昌急圖成
功於是惟敬之款始用而倭芻糧並燼行長亦懲平

壤之貽有歸志。因而封貢之議起。經畧旣得請於朝。
赦不窮追。且得倭報。惟敬書。乃益令游擊周弘謨同。
惟敬往諭倭。獻王京返王子。如約縱歸。倭果於四月。
十八日。棄王京遁。如松及應昌。整衆入城。所餘米四。
萬餘。芻豆稱是。如松以兵臨漢江。尾倭後。欲乘惰歸。
擊之。而倭步步爲營。用分番迭休法。以退。別將劉綎。
帥兵五千。趨尚州。烏嶺。烏嶺廣亘七十餘里。懸崖鑿。
削。中通一道如線。灌木叢雜。騎不得成列。倭尚拒險。
而別將查大受。祖承訓等。由間道踰槐山。出烏嶺後。

倭大驚。前移釜山浦。築居屯種。爲久戍計。我師乃張
疑兵。分遣劉綎。祖承訓等。屯大丘。忠州。檄調全羅水
兵。龜船。分布釜山海口。時倭已棄王京。漢江以南。千
有餘里。朝鮮故土。奄然還定。兵科給事中侯慶遠。謂
我與倭何讐。爲屬國勤數道之師。力爭平壤。收王京。
挈兩都授之。存亡興滅。義聲振海外矣。全師而歸。所
獲實多。上乃諭朝鮮王還都王京。整兵自守。我各鎮
兵。久疲海外。以次撤歸。應昌復䟽稱。釜山雖瀕南海。
猶朝鮮境。有如倭覘我罷兵。突入再犯朝鮮。不支。前

功盡棄。考輿圖朝鮮幅員東西二千里南北四千里。從西北長白山發脈。南跨全羅界。向西南止日本對馬島。偏在東南。與釜山對。倭船止抵釜山鎮。不能越全羅至西海。蓋全羅地界直吐正南。迤西與中國對峙。而東保薊遼。與日本隔絕。不通海道者。以有朝鮮也。關白之圖朝鮮。意實在中國。我救朝鮮。非止爲屬國也。朝鮮固則東保薊遼。京師鞏於泰山矣。今日撥兵協守。爲第一策。卽議撤。宜少需時日。俟倭盡歸。量留防戍。部覆南兵暫留。分布朝鮮。量簡精兵二千善。

後餘盡撤如前議。六月沈惟敬歸自釜山。同倭使
小西飛禪守饒來請款。而倭隨犯咸安。晉州逼全羅。
聲復江漢以南。以王京漢江爲界。李如松計全羅沃
饒。南原府尤其咽喉。乃命李平胡查大受鎮南原。祖
承訓李寧移南陽。劉綎移陝川。已倭果分犯我師。並
有斬獲。兵科給事中張輔之謂倭聚釜山。原佯退誘
我撤兵。圖漸逞。無故請貢。非人情。今猝犯晉州。情形
已露。宜節制征勦。遼東都御史趙燿亦報款貢不可
輕受。七月倭從釜山移西生浦。送回王子陪臣時

我師久暴露聞撤勢難久羈宋應昌乃請成全羅慶
尚議留劉綎川兵五千吳惟忠駱尚志南兵二千六
百合薊遼共萬六千人聽劉綎分布慶尚之大丘而
兵部尚書石星一意主款謂留兵轉餉非策應昌師
老無成功亦願弛責然策倭多詐恐兵撤變生已而
命沈惟敬復入倭營促謝表急圖竣役乃并撤吳惟
忠等兵止留綎兵防守諭朝鮮世子臨海君琿居
全慶督師以顧養謙總督遼左九月兵部主事曾
偉芳言倭款亦去不款亦去款亦來不款亦來蓋關